

宣化縣志卷之二十二

名宦志

士君子讀聖賢書苟得策名通顯卽宜大法小廉
恪共厥任如或習孫吳家言膺職封疆卽當訓練
精銳誓節疆場以爲師武臣光昔岳忠武有言文
臣不愛錢武臣不怕死此二語尤爲邊鎮箴規也
彙諸往蹟並挹時芳其堪垂模範者豈忍歸于漸
滅乎爲作名宦志

韓制心幽州安次人也統和中爲歸化州今鎮刺史

宣化縣志

卷之二十二

名宦志

一

史數以不曲法不虐民不愛官自箴州民苦歲不
登奏免租賦被兵奏發廩賑之開泰中拜上京留
守進漢人行宮都部署封漆水郡王以皇后外弟
恩遇日隆嘗內宴遇歡洽時輒避之上及后恠問
對曰寵貴鮮能長保臣以是爲憂耳太平中歷南
京留守徙王燕年五十三卒

粘割貞西南路招討司人也金大定二十八年進

士歷教授主簿用薦舉除德興府今保治中宣德

州今鎮刺史廉明剛毅吏畏而民愛之貞祐元年

遷禮部郎中改戶部侍郎興定二年詔拜工部尚書權元帥左都監守晉安府三年冬城破貞與府官十餘人皆死之

張特立東明人也泰和三年進士爲宣德州侯州多金國戚號難治有五將軍督家奴劫民羣羊特立潛使人索其後庭得之遂縛其奴繫獄其子匿他舍捕得之以近族得減死論豪貴由是遵法民賴以全正大初遷洛陽令已而拜監察御史疏請出皇族幽囚者其宰執非才及大臣諂事近習皆

宣化縣志

卷之二十二

名宦志

二

論劾不憚由是要津諸人陰擠之左遷邳州軍事判官尋歸田里入元窮經教授學者宗之世祖賜號中庸先生所著有書易集說歷年繫事記

常遇春懷遠人也賦性剛毅膂力絕人初從太祖征伐無堅不摧至於平吳越帖荆楚取齊魯汴洛皆有成功洪武元年幽燕山後諸處雖已歸附而上都遺孽尚擾邊難爲守禦二年其將野速復侵通州上命遇春以部軍征之由遵化鹿兒嶺敗元將江文清於錦川至大寧野速逆戰敗走進破開

平分兵據守元君又北奔追至北河俘斬其宗王慶生等遂進攻大興遇春與副將軍李文忠度其必走出兵千餘伏其歸路果夜遁遇輒大破之斬其將朮住凡得軍士萬人車萬輛馬三千牛羊五萬全師還燕遇春至柳河川鎮城北十五里以疾卒追封開平王謚忠武

湯和字鼎臣鳳陽人也甫冠身長七尺側儻饒智畧從太祖征伐累樹奇勲拜中書左丞又遷平章洪武二年同徐武寧王達襲元帥擴廓帖木兒取

宣化縣志

卷之二十二

名宦志

三

寧夏東勝大同武寧師還和東至宣德拔其城守臣遁走吏民悉降因上言宣德近已歸附然去穹廬甚邇戎馬或不時出沒保聚爲難請畫久便計詔徙吏民關南配居固安永清順義諸處歲遣將卒來守規置武衛是歲都督汪興祖取興和叅政華雲龍取雲州左副將軍李文忠取應昌山後郡縣悉入中國版圖云和卒封東甌王謚襄武

劉真廬州合肥人也累從征伐有功陞都督僉事洪武十年傅友德守燕上言關外諸新附地方宜

厚加存撫其要害處所量設險守之太祖命真及
指揮使李彬往視且商確行事真至躬親勞苦日
夜不遑寢食於是東連古大寧北連開平興和此獨
石口外舊八城非今開平興和也西連大同俱築長垣間爲亭障
配兵卒戍守宣人得寧居焉三十一年復奉勅守
北平因脩懷來衛城池民不告勞績用丕著進左
都督仍賜誥俾子孫世襲云

劉璟浙江青田人誠意伯基仲子也少靜朴峻厲
博通經書究兵畧太祖愛之欲令在左右倣宋制

宣化縣志

卷之二十二

名宦志

四

授璟閣門使且金書除姦摘佞四字於鐵簡賜之
令糾正不法者時都御史袁泰奏事忤旨璟當大
廷擊其項舉朝憚之咸欲其遠去共薦授谷王長
史之國宣府凡恢拓城隍修築壇社安輯護衛官
校皆其謀畫靖難兵起獻十六策不能用以疾辭
歸成祖登極璟卧家不起怒誣以罪逮繫焉臨行
所厚勸戒之曰皇上神武過唐文皇先生忠良允
爲魏徵可也璟瞪目曰爾謂我學魏徵邪吾死生
之分已決矣至京授以官不受對上語猶稱殿下

遂大忤旨下獄辮髮自經歿

薛祿山東人也永樂中以軍功拜左都督進封陽武侯宣德初年佩鎮朔將軍印鎮守宣府建議徙開平內地以便戍守又築獨石隆慶等城一日帥師巡邊至奇黃嶺遇敵進戰悉斬之盡獲其家口孳畜捷聞加太保祿爲將勇智兼備紀律嚴明所過秋毫無犯善撫士卒裹創赴鬪有進無退故所向成功卒追封鄴國公謚忠武

譚廣字仲宏鎮江丹徒人累立軍功由列校進秩

宣化縣志

卷之二十二

名宦志

五

都督僉事事文皇北征嘗命爲先鋒所至奏捷時號爲譚家軍尋遷左都督宣德正統間佩鎮朔將軍印鎮守宣府繕甲兵治臺隍立壇壝建學校憫士卒貧苦爲增置營房歿事者爲義塚藏之又以各衛所隸後府軍情不便請設都司統治焉尋陞永寧伯在鎮二十餘年威加萬里邊人賴之

李儀順天涿州人正統初以右僉都御史巡撫是地是地有巡撫自儀始創建開張多可法守而又履廉迺正邊徼信畏然權貴人所不喜也坐是被

繫歿嘉靖二年巡撫李鐸因採民情作昭德祠俾有司春秋俎豆焉

劉璉應天江寧人也永樂壬辰進士由監察御史歷官戶部侍郎正統初總督宣府凡二十八年公勤廉謹恪有定守不畏權要正統己巳之變調度方殷璉平日區畫周詳糧芻充足人賴以安及請致仕歸合鎮吏民保留廷臣亦多言者璉竟浩然去景泰三年卒于牖下葉文莊公盛奏請褒恤加祭塋贈謚云

宣化縣志

卷之二十二

名宦志

六

羅亨信廣東東莞人永樂甲辰進士正統五年以右僉都御史巡撫練士卒峙糧芻清刑獄修城隍邊人畏服己巳帝用權宦言北伐因致土木之敗時邊城多陷宣府孤危既而朝議復召宣府總兵官領兵入衛京師人心益皇皇或欲遂棄其城衆紛然爭就道亨信乃以忠義激勸人心且仗劍坐當門拒之下令曰敢有出城者手斬狗衆始定城中老稚歡呼曰吾屬生矣因設策捍禦督將士誓歿以守敵知有備不敢攻北門鎖鑰賴以保全皆

其功云後陞右副都御史去

李秉字執中山東曹縣人也正統丙辰進士景泰三年以右僉都御史總督軍務兼理巡撫至則舉廢政革科徵廣屯種惜爵賞皆毅然爲之邊人久而益頌焉累官吏部尚書太子少保

葉盛字與中崑山人正統乙丑進士天順八年以左僉都御史巡撫初盛爲宣府叅政尋改命赤城兵備時獨石等八城堡失守盛招撫流亡修舉廢墜擇勁卒守要害諸怯懦弗任戰者悉驅之農畝

宣化縣志

卷之二十二

名宦志

七

官給牛種俾專力耕獲歲收其餘糧爲市牛馬器械之需置暖鋪蓄醫藥建鄉校設義塚均蔬圃自是邊境寧謐歲亦屢豐有同穎嘉禾之異至爲巡撫一如獨石時墾田益廣所收餘糧益多宣人至今思之官至吏部右侍郎卒

余子俊四川青神人景泰辛未進士累官右副都御史巡撫延綏卓有成績成化間詔以太子太保戶部尚書總督宣大凡弭寇綏民之策選將厲兵之方日夜圖維務底詳盡然後疏上以請請必允

行至於設墩臺築城堡備戰具修馬政通鹽鍋之
利定屯種之規皆如在延綏時所行宣大人便之
惜爲忌者沮撓志未大究爾

秦紘山東單縣人景泰辛未進士初爲御史侃侃
奉職綽有風裁成化十八年奉命巡撫凡便利軍
民事必力爲之權宦諸請求皆謝絕不行鎮城樓
櫓衙署厰庫久而敝者一易爲新官不費費民不
告病規制大備焉官至少保戶部尚書卒謚襄毅
紘平生剛確廉介歷官四十餘年至大司徒沒後

宣化縣志

卷之二十二

名宦志

八

家無遺財未幾子孫有貧乏不能存者

張錦陝西岷州人成化己丑進士二十二年以右
副都御史巡撫公廉勤慎地方軍民利病一一訪
求必力爲興革龍門萬全左衛學會以兵燬奏請
重設學中子弟時簡勸焉累官刑部左侍郎

李介字守貞山東高密人成化己丑進士宏治元
年以左僉都御史巡撫忠信宏厚明達正直政暇
輒詣學宮喚諸生行鄉射禮爲行伍倡諸生有勤
於誦習暨行伍中有勇於戰鬪者必出公貲激勸

之用是文武士翕然感奮焉後陞兵部左侍郎仍留鎮經畧竟卒于鎮贈兵部尚書子昆亦爲兵部左侍郎云

楊謚字文寧河南儀封人成化己丑進士宏治三年以左僉都御史巡撫秉廉宅公日夜勤理政務凡大小文移必自起草所區畫邊防事期在經久可行如復團種之制革馬政之弊要皆便利宜人者尋陞兵部右侍郎

劉大夏字時雍湖廣華容人天順甲申進士累官

宣化縣志

卷之二十二

名宦志

九

戶部侍郎宏治初北邊糧芻類多中貴子弟經營射利儲司不敢深問以致告乏至是簡命經理召邊上父老日夕講究遂得其要領一日揭榜通衢云某倉場缺糧芻若干每石束給官價若干封圻內外官員客商之家但願告報者米十石芻百束以上俱准雖中貴子弟不禁也未幾倉場贏積蓋往時市易法有來告報必糧百千石芻千萬束方准以致中貴子弟爭相轉買沿邊軍民糧芻陸續運至自此法立有糧芻之家自行告報中貴子弟

無從市易矣邊人謂三十年前僅此一見云仕至太子太保兵部尚書

陳紀字叔振福建閩縣人成化己丑進士宏治七年以右僉都御史巡撫亭岸凝重內和而外剛鎮中將吏以下有不法事雖假權要人請之一毫銀所假借暇則躬詣學宮呼師生庭下講說經史又甚樂易宣庠大成殿丁祭舊無樂舞因爲奏設君子擬其政爲學道愛人者

馬中錫字天祿河間故城人成化乙未進士宏治

宣化縣志

卷之二十二

名宦志

十

九年以右副都御史巡撫下車之日奏劾諸姦貪將臣自是將臣無敢有一撓法者一時風紀肅然又爲復祀田正牧地畫馬價增團種設官店公私皆便之或曰公所爲府怨奈何中錫曰余生平不敢負君民卽有是又何顧焉後陞右都御史竟以忤權貴歿獄中云

按官店之設鎮城共有五區區各有屋百十間馬公奏行蓋爲

客商居貨之所歲取其課備官用也時有旨刻石垂示永久嘉靖年間邊臣改爲別項公署

雍泰字世隆陝西咸寧人成化己丑進士宏治十二年以右副都御史巡撫剛直果決不恤己私嘗

有狀叅將不法者欲劾奏叅將詭乞受責卽杖之
墜下於是三軍股慄然叅將與權者關戚乃遂以
此罷官後又以言官薦起爲南京戶部尚書然未
幾又以忤權貴去

王雲鳳字應韶山西和順人成化甲辰進士累官
國子祭酒以權闖用事告歸都御史石邦秀通政
丁鳳等交薦其賢命巡撫茲鎮至則戢猾胥劾貪
帥理預備倉行保甲法恤窮問急訓士以孝悌忠
信其疏奏錢寧張銳之姦天下尤壯之尋以憂去

宣化縣志

卷之二十二

名宦志

十一

不復仕

姚珩廣東增城人幼博學善爲文辭成化甲辰舉
進士宏治十二年以戶部尚書郎奉命總理宣府
糧儲志尚廉潔倉庫傾圮重爲建置甫三載以病
卒于官斂無餘衣囊無餘蓄官給路費柩始得歸
塋士大夫思之

李寅字敬之河南豫州人成化丙午舉鄉進士任
萬全都司教授謹榘度尚德化厲廉耻且詣公堂
列諸生於側亶亶講繹不倦因材質高下俾各有

所成諸生無敢作戲言情行者錄是高科瀛仕相
望後先開學以來罕儼其盛後以疾辭

劉源清字汝澄山東東平人正德甲戌進士授江
西進賢知縣宸濠謀逆遣親臣論縣起兵源清縛
斬之事平擢監察御史陞大理丞尋命巡撫宣府
甫下車繩豪猾吏劾貪污官黜怯懦將領軍民稱
快既乃賑恤貧窮旌獎忠烈表厲風俗興起序庠
汰冗食之徒革濫用之弊廢舉墜修遠近寧謐在
鎮七年陞兵部左侍郎總制宣大偏保大同軍叛

宣化縣志

卷之二十二

名宦志

十三

奉詔統諸鎮兵征之功垂成會有以老師費財言
者詔下獄事得直放歸田里

韓邦奇字汝節陝西朝邑人正德戊辰進士歷官
坊庶以程文字誤外補嘉靖癸巳擢巡撫是方檢
吏弊申官常察邊情訪兵畧清曠役之戍省虛費
之財增城築以扼衝修馬政以備具厚以恤民而
勸之耕獲豐以廩士而教之行能宣人允有依賴

焉在鎮三年召入內臺視事仕至南京

兵部尚書

王重光字延宣號夢川山東新城人嘉靖辛丑進

士由部郎分守口北道時咸寧侯仇鸞上書出征
統兵屯扎宣府恃寵驕橫公以理折服之其部兵
強橫輒繩以法鸞啣之借口儲給不足引軍恐嚇
所司其實鸞兵皆以糧鸞于市公察知之乃謂鸞
曰與其賤鬻孰若與之金金亦縣官物也于是鸞
許半折支省公私費數萬總兵吳鼎者其所部士
卒殺平民冒功公抵之罪邊人深德之遷貴州左
叅議平蠻採木以積勞終於任事聞予祭贈官黔
省建祠與王陽明先生並祀焉

有忠勤錄
行于世

宣化縣志

卷之二十二

名宦志

十三

王象乾字子廓號霽蒙山東新城人隆慶辛未進
士萬歷己丑任分守口北道叅議甲午擢陞巡撫
都御史時欵市歲糜金繒溢額公堅持如往例市
馬槩索重價公令以美惡上下其值計省邊費凡
四十萬史車二部請保塞久之安免誘去公囑順
義王執之歸賞其歿二部始畏服無他中使來權
稅宣鎮歲例且一萬公力爭窮邊卒定四千金在
鎮增修亭障繕具器械跨洋河爲石梁長千尺廣
五軌又修萬全學宮建尊經閣貯書萬卷會播州

平進秩兵部左侍郎往督川貴軍務就道之日邊人枳其車至不得行建祠河橋上天啓三年察汗駐宣府塞外聲言與威兀慎構兵意殊巨測朝議謂非公不能定時已歸老子家乃乘板輿飲乳而至察汗偵知惶恐詣塞下謝乃申盟約拔帳去君子謂是役也汾陽不得專美于前云

汪道亨懷寧人萬歷癸未進士由南大京兆巡撫宣府因欵貢時久創置來遠堡于張家口又因滴水崖地震上書執政極言災異之由得發帑金三十萬以餉軍饑蓋嘗屢疏不報至是乃得請同時直指周師旦目爲社稷臣殆不虛云

宣化縣志

卷之二十二

名宦志

古

耿繼武山東沂水人由北直灤城令擢保定府通判駐宣府陞延慶州牧器宇純雅政事敦龐首問俗于縉紳父老子惠困窮力除奸弊優禮學博殷殷愛士于貧生時加周恤其徵糧嚴諭里老不憚諄諄話言荆楚不庸而逋欠者寡詞無妄准問理幽隱畢徹由是獄無淹滯囹圄屢空民俗幾至無

訟矣

沈棨號彥威浙江烏程人萬歷癸丑進士宣府巡撫賦性慈良持躬廉潔有清畏人知之風然政敦寬大不喜苛察尤不喜迎合用是忤監視貂璫被逮出城之日香燭水盂填溢街市男婦老少傾城號泣幾不得行紳衿軍民擁送者接踵于途因詣闕上書迺得論爲民

劉永祚字錫仲陝西韓城人萬歷己未進士宣府巡撫榜門一聯云謹關梁完要害千里長邊幸一烽之未起省刑罰薄稅斂六年鎮撫愧五技之已

宣化縣志

卷之二十二

名宦志

五

窮宣人至今以爲實錄

楊國柱字廷石遼東義州人幼精騎射由百夫長不十年間晉秩副帥以軍功擢佩鎮朔將軍印來總兵宣鎮一以廉靜慈惠爲務後調懷標練兵總兵嘗談及邊事輒扼腕長太息曰兵法知彼知己百戰不殆今之持廟算者徒驅百萬生靈以入春閨之憂斂天下脂膏以填渤海之波予恐邊方未靖而揭竿者已達國門矣歎何足惜但惜歎而無濟于封疆耳後與我兵戰於松山以衆寡不敵

身被六鎗面中三矢歿焉時明崇禎十五年也事
蜀贈太子少保榮祿大夫廕一子錦衣百戶諭祭
賜葬葬在保安衛孝文山之原仍建祠歲祀額曰
旌烈

梁雲構字眉居河南蘭陽人崇禎戊辰進士巡按
宣雲兼督學政激揚之餘尤以興學造士爲已任
其在宣則立鵠起社于所蒞察院之東進俊髦而
課育焉亦時至社中鼓舞備至而風雅逸韻迄今
有餘

宣化縣志

卷之二十二

名宦志

六

秦廷奏北直曲周人崇禎戊辰進士以巡方兼學
使公明廉威將吏奉法唯謹至加惠後學邊士稱
爲良師三載拮据憂形于色遂暴終焉

岳可字德義號若所陝西延安人蚤攻鉛槧涉獵
詩古文詞旣而習孫吳兵法萬歷壬子癸丑間聯
以武舉進士大司馬推轂守備山西河保營晉陽
和遊擊將軍以勞疾告歸里崇禎中起復爲宣鎮
萬全都司清擦彌勵多惠政民至今稱之

郭都遼陽人少以忠勇自負爲衛指揮有功晉都

指揮僉事充副總兵協守宣府嘉靖癸丑歲秋七月蒙古由張家口入過懷安抵順聖東西城南及蔚廣攻毀堡寨殺掠人物甚衆旣折而東將犯保安至鎮城東南地名谷村都領兵二千餘相值方爲陣以待敵四面圍之用精騎突陣兵勢不能支都厲聲曰毋懼第直前不歿此卽回無生理也于是領哨應襲千戶王國乃身先士卒督令血戰士卒半已歿傷都與國畧無憚色各中矢被刃無數乃亡事聞詔褒贈如例云

國宣府人

宣化縣志

卷之二十二

名宦志

七

張紘陝西人也素以忠義自許薦陞都指揮同知充延綏遊擊將軍嘉靖乙卯春江總督檄召紘兵來鎮備禦秋七月蒙古十餘萬衆毀垣入散掠保安東西川紘因領所部三千兵往擊之猝遇於張家堡南敵衆來衝紘令我軍閉壁縱千百騎入乃合壁殺所縱入者敵怒圍之重匝紘領妹歿戰歿歿者無數紘待援不至以力盡歿士卒盡覆沒自後被擄逃回人述

中追談是役猶咬指云

朱之馮字德止號勉齋宛平人天啓乙丑進士崇

禎癸未二月由河東叅政來巡撫絕苞苴請託不期年戢軍利民城池軍壘諸戰守具尤綜理周密邊人安之甲申春流寇過太原大同相繼陷寇氛震及宣境公集文武紳士軍民于城上申說大義矢歿相守在城樓月餘一燈達旦時監視宦官與鎮帥握精兵遣偵卒密約降賊數以賊衆惑公及語洩復立坑一弁脅公公密謀執二人佯招計事伏健卒伺之會游寇突至鎮帥等揚言出禦脫身去歸卽擁衆自防公知事不可爲出衣取紅公

宣化縣志

卷之二十二

名宦志

六

服曰以此殮我足矣獨與民守之踰日賊薄城下公將發礮擊賊而砲眼已爲監鎮暗塞矣監鎮乘間開南門賊遂入公在北門聞變欲自刎左右泣擁公行公曰去此一步非歿所矣遂服紅公服登城樓拜遺疏而縊焉越歲辛丑邑人祠于鎮城王宗伯爲之記

王承印字仰承宣府前衛人幼驍勇善騎射屢以功歷陞宣鎮總兵號令嚴肅馭衆少恩卒有犯者輒立斃宣人有八棍王之稱甲申流寇掠地至大

同承印先期令營將白廣恩密表約降許以城獻
曆傳號衣爲記與巡撫朱分守各門乘間暗令人
將砲線拔去塞以鐵釘寇兵至城下巡撫朱發礮
無線念知爲所賣自縊死承印遂開南門迎入賊
凌轢縉紳設置僞官引兵東向以承印隨去後賊
敗不知所終鄉賢固多豈無凶德此有
關國體用存之以勵後人

沈宜字大悟湖廣孝感人順治二年由官生銓授
河間府推官宜鎮理刑精明敏練請托不行雍容
都雅道氣照人忽有訐奏其爲公子不諳刑名者

宣化縣志

卷之二十二

名宦志

九

奉

旨解任赴吏部考試人素知其長于詩古文詞不以命
題而試八股欲難之也公詞理兼優初不知其有
名舉子業也得以原官用兩補杭州鎮江執法如
前竟解官歸

陸濬睿號未菴浙之平湖世族也由鄉舉銓授宣
鎮理刑推官溫柔敦厚凡聽斷一本平恕不喜深
文巧詆有古循吏之稱以呈誤調用宣人惜之
劉永亨號貞吾先爲浙之青田人徙西安世食采

榆林衛父登瀛於明崇禎時官宣鎮葛峪路叅將
兄永恩官柳溝副將公早歲蹶起戎行歷宣鎮之
青泉雕鷲樣田靖安諸堡操防守備葛峪叅將左
翼營副將因家于宣 清興起補遵化副將尋陞
紹興加都督僉事晉都督同知擢鎮守宣府總兵
官其久在上谷習曉邊事如王公霸其推誠布信
人多感悅如下公翼其躬勤早暮紀律嚴明如薛
公祿其繕甲兵治城隍脩祠祀如譚公廣且性篤
孝友敦故舊尤折節爲恭儉可謂昇平福將者矣
苟取一物不妄撻一人軍民安之惟恐其不久仕
也會有

宣化縣志

卷之二十二

名宦志

二十

旨調赴南征去之日民爲之罷市軍爲之永矢弗諼

徐元琪號荆山江南武進人順治乙未進士康熙
十二年分守口北其虛懷正已不以詭隨爲能清
約儉素不以封靡是尚沉幾先物慮以下人不以
聰明自見勞勩自矜下車之始值滇黔告變能謀

定神閒法令晝一夜思早作彌篤忠歆而雉堞則完陂堰則復學校則新徭稅則清與一切供億頒至新令者靡有後期泣茲四載奉旨內陞蓋口北所僅見者

李廕祖遼東人任直隸山東河南總督康熙二十五年直撫從畿內士民請檄行崇祀名宦

朱昌祚山東高唐州人任直隸山東河南總督謚勤愍康熙二十五年直撫從畿內士民請崇祀

格爾古德滿洲人任直隸巡撫歲癸亥題請永

宣化縣志

卷之二十二

名宦志

三

禁圈占民田經部覆准至今人無失業之苦尋卒謚文清康熙二十五年畿內士民請直撫檄令

崇祀

于成龍山西永寧州貢生任直隸巡撫端慤老成

正己飭屬地方利弊多所興革十九年題罷宣

屬七處鹽商令民煎鍋包引至今便之又題賑

宣屬饑民計口授米沿途設粥贍之多所全活八

府善政累累未幾陞江南江西總督卒謚清端康

熙二十五年直撫從畿內士民請檄行崇祀其

孫準任直隸守道來宣餉養三旗馬駝有風力民以不擾後陞貴州巡撫

于成龍遼東人任直隸巡撫時口外鹽宣民惟自相貿易康熙三十七年張家口商人告行引如長蘆例奉

旨差部使查詢邑人稱不便部使左袒乃叩

闈上請公抗奏罷之民爲建祠草市東其它善政流及畿輔者甚多不具載實爲本朝第一賢撫後陞總

河從

宣化縣志

卷之二十二

名宦志

三

駕征噶爾旦督餉有功尋卒賜謚予祭葬

楊維喬字岱禎山東寧海州人己亥進士歷庶常侍御出爲叅議分守口北道會歲在庚申自鎮城迤西南二三百里野苧相望公奉

旨發粟蠲租戴星踏雪不避勞瘁務使匹夫匹婦無不被堯舜之澤者且接壤雲中饑饉同患甚至鬻子拆婦遂有居奇買遷絡繹出于宣之塗公下令逆旅主人凡挾子女來者輒止之以告爲擇置空廨戒嚴守闈備極存卹俟其少甦而還定之暇則進

諸生課藝品其甲乙秋試京兆則爲之賓興春赴
禮闈則爲之祖餞皆張樂餽贐不費公帑一錢是
科辛酉遂獲售三人明年會試中式一人皆公承
流宣化所致也去官之後闔鎮人民爲勒墮淚碑
王隲字人岳山東福山人順治乙未進士來分守
口北未期年以前任四川松威僉憲之卓異膺內
召去其涖宣時遇事之震撼糾纏猝來紛至獨能不
動聲色奠邊隅于磐石之安俾斯民有生養之樂
從容區畫處難者若易蓋優入乎經濟名臣而勘

宣化縣志

卷之二十二

名宦志

三

丈房基力詳盜種隱匿之誣合城士民戴德詳見
看語及碑記中

閔可權號宜菴廣寧人康熙間由叅領擢鎮守宣
府總兵官涖鎮十三年修舉軍政未嘗輕劾一人
亦不輕舉一人雖值邊境清晏不敢以無事自逸
修城垣排積沙完隄壩修津梁與文庠武廟及諸
神祠梵刹之傾圮必多方贊襄樂觀其成歲荒捐
米遇旱祈雨凡有需費從未擾及商民亦不卸責
有司公餘退食食不喜侈終日必束帶整衣衣亦

不擇華美軍牙嚴肅不令家衆外出年五十餘頭
顛黑如少壯因冢嗣不祿憂傷填胸遂成不起之
症宣人爲建祠肖像

黃永臣字丹衷陝西龍州堡人以騎射素嫻選守
榆林之新城其威遠寧邇之效雖往來寧夏西涼
之商旅猶歌頌之康熙間晉秩遊戎來將宣鎮左
軍兼理中軍時值邊境寧謐從容安靜不多生一
事不濫役一人其部曲糧餉絕無虛冒侵蝕陋弊
卽令節生辰餽遺概行屏却公餘退食門庭寂然

宣化縣志

卷之二十二

名宦志

二

且性喜簡約日用所需甚少亦必給時價遇路
將員關委令代庖不得已往至其地則館于僧舍
始終不易其介性潔操竟引疾去

尚宣陝西人山行伍歷任薊鎮三屯營副將康熙
間陞總兵官宣府後加提督銜頒易勅印在鎮整
飭營伍約束士卒俱馭以嚴先是宣屬各營汎積
玩生驕兵多不法有一字鄉紳之目自公蒞之有
與民爭鬪者雖小過必加重懲凡守千以下稍有
縱弛輒重撻無恕其各營兵一人轅門咸股栗色

變往往有犯卽斃杖下故宣屬伏路之兵偵緝奸
宄至嚴且密而盜息民安四境謐然四十四年以
將弁相構免公去後兵仍弗戢防禦益弛其驕橫
成習匪類潛滋宣人士乃愈思尚提臺尚提臺不
置云

李發甲字瀛仙雲南人康熙甲子科舉人由真定
靈壽縣知縣行取授監察御史歲癸未山左大饑
公奏稱人民相食 上問其狀並發部議部以所
言過懇革職蒙 上特恩命藩中北蒞任之始卽

宣化縣志

卷之二十二

名宦志

三

裁革一切陋規以省州縣費且加意培養學校課
士親爲衡品捐俸以定獎格文風丕變民有耕種
無力者設法辦種均給窮乏得補助遺意至山民
砍窑多爲旗棍土豪霸佔公悉其弊詳請永禁諭
民報認民業以安其秉性恬靜廉正凡整屬馭吏
冰雪自持洞悉驛遞供億之苦從不擅騎一馬尤
加意軫念自奉恒薄市價從無虧短至若修橋築
壩類倡捐徧募不以派民滋戾也宣城舊有朱勉
齋姚權我忠義祠公慨其傾圮捐貲重新之俾縣

之廣文署其後不時省視用意遠矣又修養濟院俾孤貧不至露處善政縷縷于乙酉冬陞調天津閭邑士民爲立碑以志弗諼云

李公

諱

錫字培元遼東人閭閻名家簪纓繼世三

韓望族也抱經濟雄才歷任畿輔所在有聲

上念鎖鑰重地特簡蒞宣公愷悌慈祥坦夷鎮靜十屬之民若不知有監司者至其剔弊釐奸統御寮屬當寬當嚴又毫髮不爽殆藏其鋒而不露者歟跡其大政如詳革出門一稅宣人永食其福語云

宣化縣志

卷之二十二

名宦志

三

仁人之言其利溥哉嗣此建樹正未有艾宣人士將執筆以俟虛其左以紀它日之設施云

秦毓奇遼東人先任涿州知州康熙三十二年改宣鎮爲郡縣直撫郭 題陞宣化府知府聰察強幹威稜服物時值建革因人稀而里甲不設念地瘠而田賦從省亦有裨益者蒞任未幾卒于官

范時崇字自牧遼東瀋陽人父承謨浙閩總督耿精忠煽逆抗節死 今上褒恤予祭葬賜諡忠貞歲甲戌郡守缺 上以宣新置非才猷夙著者不

可素知公賢乃山順德特調茲土奉養右衛騎馬
多羸斃皆却不受旗丁啗之後赴交大同有以瘠
言者奉 旨來京閱視受卸賴公得直

皇上駕幸口外經臨宣化府中使至皆素善公修道
路備帳殿一切供億毫無苛求吏民倚重焉及駐
蹕累荷 寵眷 召對行宮直陳地方事宜宣
人食其福者夥至賜之堂額曰親民迄今 宸翰
輝煌旗下有黠者嗾義旗告圈宣地部使查勘凡
民糧田公力爭其誣卒得免其它和寮屬禮紳衿
平訟獄省冤滯政一切崇寬大人稱愷悌君子殆
不誣云後陞天津道去

宣化縣志

卷之二十二

名宦志

七

祖延泰遼東人山霸州知州 特陞通州路同知
越數月再擢宣化府知府仁慈廉潔鎮靜冲和有
古循吏風視篆未久民方想望措施遽嬰危疾卒
於署人至今思之

呂公

諱

猶龍字爾霖遼東人初令平湖丁艱補博

白最有聲舉卓異

賜嶙特擢遼州牧癸未

鑾

與幸陝過晉省荷蒙

召對以才能再擢宣化知

府越一歲 六飛自川外經幸除宮治道無隕越
在郡博通經術熟練典故凡判署據案灑灑切中
窾要人服其神表帥十城文移無妄發胥吏無私
擾讞獄明決蒞政勤敏遇豪猾輒繩以法雖權貴
請托不少徇至接賢士大夫則藹如春溫諸如建
義學舉賓興通錢法平斗斛嚴禁奸商請革濫稅
裁抑驕弁戢治橫兵次第設施皆大有造于宣今
李撫軍趙撫軍屢登荐剡 天子心識之宣民惟
恐一日或去云

宣化縣志

卷之二十二

名宦志

三

周德榮字苑伯遼東人任宣化令有幹局當建革
初官署城池倉廩營創補葺多勞績斷獄慈祥蒞
事勤慎一邑稱治其請罷行鹽今猶食其福至詳
革門稅雖未行詳修北壩雖未久尤見經濟宏遠
爲人樸實少文在邑十餘年拊循保護民愛之如
慈父士敬之如嚴師丁內艱解組任內有因

聖駕屢臨支應浩繁費倉儲若干欲變產以足宣人
聞之咸樂輸代償不移時而具去宣之日民爲之
立石建祠焉

陳坦字文度，高楚之黃陂人家。世詩禮敦孝友。曾祖龍伯先，生祖太村先生，皆宿學明經。父義臣先生，抱異才，成名進士。由司李改縣令，陞郡司馬。政績烜然，其詩文著作尤典茂，可傳。陳公以淵源家學，又負穎姿，號神童。年十二，卽受知于司理祝山公先生，補弟子員。屢試輒冠，聲名大播。壬子中式經魁，屢入南宮。未售，遂筮仕廣文。漢上諸士欽其師範，執經問業者環程門。諸上憲凡論文校藝，必檄公爲專席。禮遇特隆。歲庚辰，陞河南鄆城

宣化縣志

卷之二十二

名宦志

五

縣鄆例多私，派公嚴禁之，絲毫無取。官箴清肅，士民愛戴，輿誦聿興。大司農徐公青來時，撫河南，聞公廉走人，密偵之，具得其狀，方列荐剡，詎以丁外艱去鄆。人遮留，碍例未允。徐中丞慕令之賢，亦具奠于太翁，以致敬。蓋踰常格以待云。服滿，補銓令宣宣邊郵瘠，壞民生凋敝。公軫念維憇，凡撫字催科，悉竭心力。民困大蘇，抵任三月，值

聖駕經臨，公拮据

欽差，任勞任怨，上無隕越，下無

謗言，且負性詳敏，諸凡案牘，悉經已裁，故無留牘。

亦無冤民焉宣故衝要地也供億勞煩送迎叠至
公日披風裹沙支持借墊辦給皆告無缺而眷屬
在楚三年無一贍給自奉儉約食無兼味衣必屢
浣於宣民膏脂未嘗妄取一絲一粟也公嘗自嘆
日讀聖賢書不能展布四體稍自表建乃勞心瘁
神折腰周道孰若誦淵明之賦尋山水之盟以遂
我初志卽現在經營亦盡吾心完吾職而已蓋公
之淡泊寧靜如此爲人和厚藹摯尤喜獎勵人才
作養士類至于操行持躬不激不隨而初終弗渝

宣化縣志

卷之二十二

名宦志

三

前任觀察李公瀛仙嘗手書青天白日以宅心冰
清玉潔以操行數語用况其品今觀察李公培元
郡伯呂公爾霖巡憲李公卓庵亦交相品題稱爲
君子不置口蓋公之德望傾人又如此任宣三年
嚴匪類抑無賴禁賭博懲奸猾詳修城垣改築河
堤考課生童以培文教請裁門稅以憂民困嚴禁
旗人煤窑以靖地方又建義學修忠義祠建育嬰
堂善政縷縷其緒餘也復于簿書之暇留心典故
見縣志久缺遠稽近考編緝成書捐俸刊板以備

輜軒之採宣之文獻賴公弗墜說者謂公之澤殆
與燕山比高洋水比長云

宣化縣志

卷之二十二

名宦志

三

論曰宣一邑耳乃文自巡撫武自總鎮而下咸官于
此其德惠洋溢忠貞彪炳之員宣例得而書之故
明時羅東莞葉崑山劉東平以及我華容劉時雍
十餘公其撫循利濟遺愛昭垂他如朱景昌譚仲
宏張世良十餘公之將畧亦增輝史冊而廉明剛
毅有若粘招討讞決彈劾有若張司候其職卑望
重者亦接踵而出迨我

皇朝應運之才文經武緯駸駸蔚起卽官制不同而勲
名各立誠前型可範宐式來茲者後之君子誠能

宣化縣志

卷之二十二

名宦志

三

貌美曩徽則後之視今亦猶今之視昔而奉爲法
守永茲終譽亦操券之易耳豈必謂古今人不相
及耶